

Խ. ԴԱՊՅԱՆԻՆ ՈՒՂՂՎԱԾ ՆԱՄԱԿՆԵՐ

Խաչիկ Դադյանը (Դադյան Վահան Գրիգորի, 1863—1937) ծնվել է Վարանդայի Զարդանաշեն գյուղում 1881 թ. ավարտել է Շուշիի թեմական դպրոցը, զբաղվել է ուսուցչությամբ, եղել է Արցախի հոթա, Ամարասի, սր. Հակոբա վանքերի վանահայր։ Այդ տարիներին հավատարմի է մի շարք ձեռագրեր, հայ և օտար լեզուներով վավերագրեր, փաստաթղթեր, ժողովրդագրական նյութեր։ 1894 թ. Մկրտիչ Խրիմյանի հրավերով տեղափոխվել է Էջմիածին, իր հետ բերելով հարուստ ձեռագրական հավաքածու, որի ցուցակը երկու մասով տպագրվել է Էջմիածնում (1898—1900)։

1900 թ. Պետերբուրգի Կայսերական հնագիտական հանձնաժողովի թույլտվությամբ և Ամենայն Հայոց կաթողիկոսի համաձայնությամբ Խ. Դադյանը ձեռնամուխ է լինում Զվարթնոցի պեղումներին, որոնք որոշ ընդհատումներով տևում են մինչև առաջին համաշխարհային պատերազմը։ Մասնակի պեղումներ է արել նաև Դվինում, Գառնիում։

Խ. Դադյանն ունի մի շարք տպագիր հոդվածներ Զվարթնոցի պեղումների, Արցախի, ինչպես նաև պարոկահայոց պատմության, տեղագրության, բանահյուսության և պաշտամունքային օջախների վերաբերյալ։

Խ. Դադյանը նամակագրություն է ունեցել հայ մշակույթի մի շարք գործիչների հետ (Ի. Խալաթյան, Գ. Աղանյան, Լեո, Վ. Փափադյան, Մ. Տեր-Մովսեսյան, Տ. Նազարյան և այլք)։ Որոնց ինքնագրերը պահվում են ՀՍՍՀ պետական կենտրոնական պատմական արխիվում (ՊԿՊԱ), Խ. Դադյանի ֆոնդ, 319։ Այդ ֆոնդից ստորև ներկայացվող նամակները հետաքրքիր նյութեր են պարունակում բանասիրության, հնագիտության և ճարտարապետության պատմության դանաղան հարցերի վերաբերյալ։

ԱՎԼԻՐԻ ՂԱԶԻՏԱՆ,

1

21 հոկտեմբերի, 1886 թ.

Մոսկվա

Հարգելի պարոն Վաճան Դադյան Ի Շուշի

Թեև անժանոթ ինձ անձամբ՝ բայց ավելի բարի համբավներից տեղյակ Ձեր բարեմասնությանց—գիմում եմ ահավասիկ առ Ձեզ մի խնդրանք, որ հուսամ թե անտես անելու չեք։

Մոսկվայի համալսարանի տաղանդավոր ուսանող Նիկոլայ Մադաթյանն՝ այցելության գալով այս ամառ յուր հայրենիքին, յուր վերադարձին մեծ հետաքրքրությամբ էր պատմում ի թիվս այլոց Ձեր հավաքած ժողովրդական գրականության վերաբերյալ նյութերի մասին և մանավանդ, որ մեծ պատիվ է բերում Ձեզ ու մխիթարություն և ուրախություն մեր հայրենյաց հնությունը գնահատողներին,—այն պատմական գրչազգայ ժողովածուի մասին, որոց մեջ կան արդեն մի քանի շատ հետաքրքրաշարժ օրինակներ և որոց թիվը առավել հազվագյուտ օրինակներով ավելացնելու համար ոչինչ չանք և աշխատություն չեք խնայում։ Այսպես, պ. Մադաթյանի ասելով՝ արժանի են ուշադրության—Աղվանից պատմությունը, որ թիվ լինել ընդարձակագույն, քան տպագիր օրինակը, Սամուել Անեցու ժամանակագրությունը, Խորենացու Աշխարհագրությունը, անժանոթ տառերով մի գրչագիր և այլք։ Բայց մանավանդ գրավել էր նորա ուշքը և միտքը Շապուհ Բագրատունու Պատմությունը.

որ թե Ձեզ հաջողի ձեռք բերել՝ Ձեզ կամ ուրիշի համար—այդ միևնույն է, կարելի էր անմիջապես ի լույս ընծայել՝ հանակնկալ ուրախություն հայ գիտնականաց, հավերժացնելով և Ձեր անունը հայ պատմական գրականության մեջ։

Նախ իմ խնդիրս առ Ձեզ այս է.—ուղարկել ինձ, թե բարեհաճեք, Ձեր ժողովրդական նյութերը, որք թե լույս տեսնին՝ անտարակույս իրենց հեղինակի անունը կպահպանեն միշտ։ Այդ մասին կարող եք բոլորովին հանգիստ լինել։ Հակառակ դեպքում ամբողջությամբ կվերադարձվին տիրոջը։

Իրկրորդ՝ ուղարկել ինձ՝ թե հարմարավոր տեսնիք, Ձեր գրագիրներից մի քանիսը ժամանակավորապես ի քննություն՝ անշուշտ ճանապարհի ծախքը իմ հաշվիս դնելով, և մանավանդ Շապուհ Բագդատունու Պատմությունը։ Իսկ թե տակավին գնած չեք այդ գրագիրը, պ. Մաղաթյանին Ձեր հիշած գնից կրկնակի և եռակի ես ինքս պատրաստ եմ վճարել, միայն որ հնար լինեք բերելու և դորանով թե փրկել նորան անդառնալի կորստյան վտանգից և թե, ինչպես ասացի վերը, Ձեր միջոցով մի գեղեցիկ ընծա պատրաստել գիտական աշխարհին վայելուչ հրատարակությամբ։

Սպասելով այս կետերի մասին Ձեր որոշ պատասխանին, մնամ միշտ Ձեր բարյացակամ և պատրաստ ի ծառայություն՝ Գր. Խալաթյանց՝

Ք. Դթ. 232, էջ 1

2

4 հունիսի, 1893 թ.
Տիֆլիս

Շնորհունակ հ. Վահան սարկավագ Դատյան Հարգելի եղբայր ի տեք

Եթե չեմ սխալվում, մենք վաղուց արդեն ծանոթ ենք, ուստի վստահանում եմ ուղղակի դիմել Ձեզ հետևյալ խնդրով։

Անշուշտ լսած, թերևս և լրագիրներում կարդացած կլինիք, որ ես պատրաստում եմ հրատարակության համար մի ընդարձակ գործ՝ Սիմեոն կաթողիկոսի՝ օրագիրը նորա կենսագրությամբ ու քանի մի անհրաժեշտ նկարներով։ Եվ որովհետև, որքան ինձ հայտնի է, Դուք ձեռագիրների և այլ հնագիտական մեծ ժողովածու ունիք, ցանկալի էր ինձ իմանալ, արդյոք չկան նոցա մեջ հետևյալ տեղեկությունները.—1. Սիմեոն կաթողիկոսի պատկերը, 2. Սիմեոն կաթողիկոսին վերաբերյալ որևէ տեղեկություններ, 3. ԺԸ դարու վերջին կիսի վերաբերյալ որևէ հետաքրքրական պատմություն կամ նկար, որ կարելի լինեք մտցնել այս գործի մեջ, 4. Սիմեոն կաթողիկոսի որևէ կոնդակ, 5. մասնավոր կամ պաշտոնական գրագրություններ կամ տեղեկություններ Սիմեոն կաթողիկոսի ազգաբանության մասին, 6. Պոռ իշխանի տոհմի մասին որևէ նոր տեղեկություն, 7. Գանձասարի կամ Աղվանից ԺԸ դարու կաթողիկոսներից որևէ մեկի լավ կամ վատ պատկեր։ Եվ։

Մեծ հույս ունիմ, որ Ձեզ մոտ գտնված բոլոր տեղեկությունները վերոհիշյալ նյութերի մասին շուտով կհաղորդեք ինձ և եթե մանրամասն գրել բոլորը կարելի չէ՝ կուղարկեք այդ դեպքում իսկականները, որոնց անկորուստ և անպահով պահպանության համար որպես երաշխավոր ներկայացնում եմ իմ և Ձեր հարգելի բարեկամ պ. Արսեն Կրասիլնիկյանցին։

Հուսալով, որ ընդ փութ խնդիրս կկատարեք։ Մնամ Ձեզ միշտ հարգող՝
Գրիգոր Բահ. Աղանյան

Ք. Դթ. 237, էջ 1

Սիրելի Խաչիկ հայր-սուրբ

Գործունեությունդ և գյուտերդ շատ մեծ ուրախություն պատճառեց ինձ. գիտեի և կրկնում եմ, որ ամբողջ էջմիածնի միաբանությունն արժես քո աշխուժովն ու գործերովդ: Այնքան ուրախ եմ, որ... պատմության մեջ անուն պիտի թողնես, երևան հանելով 7-րդ դարու այդ հրաշալի եկեղեցին:

Այսօր քո պատկերը և եկեղեցվո սյունի վրա քանդակած արծվի լուսանկարը ուղարկեցի Վենետիկ (Նսայի սարկավագից² առի), որ տպեն «Բազմավեպի» մեջ:

Իսկ քեզնից ես մի բան եմ խնդրում և հույս ունիմ որ կկատարես:

Մոսկվայի հայ ուսանողները նոր տարվա սկզբներին մի գրական մեծ ժողովածու են հրատարակելու հոգուտ որբերի. խմբագիրը ես եմ և թե՛ նրանց ու թե՛ իմ կողմից խնդրում եմ քեզ մանրամասն նկարագրել գյուտիդ պատմությունը, պեղման առաջին օրերից սկսած: Լսել եմ որ օրագրություն ես պահում. լավ չի՞ լինիլ եթե այդ օրագրությունից քաղելով մի բան կազմես և ուղարկես մեզ տպելու: Շատ պարզ և հասարակ կերպով պատմիր, թե ինչպես սկսեցիր, ի՞նչ ջանքեր գործ դրիր, ի՞նչ հետևանքների հասար հետզհետե և ինչեր գտար:

Տես, հայր սուրբ, ուզում եմ որ այդ դու անես, ապա թե ոչ Նսայի սարկավագը խոստանում է գրել, եթե դու չգրես: Ես քեզ հատուկ խնդրում եմ որ գրես. մինչև կես տպագրական թերթ կարող ես գրել. գիտական բան պետք չէ, այլ լոկ նկարագրություն քո սկսելուն և պեղման հետզհետե եղող արդյունքների մասին:

Քեզ ժամանակ մինչև դեկտեմբերի 20-ը և հույս ունեմ, որ իմ և ուսանողության խնդիրը չես մերժիլ:

Այսպես ուրեմն, կսպասեմ և սեղմում եմ քաջ ու աշխատավոր ձեռքդ:

Բարևս Կորյուն, Կոմիտաս հայր սուրբերին:
Բարեկամաբար՝ Վ. Փափազյան³:

Իմ հասցեն՝ Москва, Большой-Чернышевский пер., дом Келлера, кв. № 12.

Հ. Գ.

Երկու ամսից ի վեր այստեղ եմ և երեկ մի քանի տարի կմնամ, որովհետև մտադիր եմ ատամնարուժություն սովորիլ, ապագայում մի կտոր ուտելու հաց ունենալու համար:

Գրիր ինձ մանրամասն քո մասին. ուրախ կլինիմ:

Նույն

Միջայել վարդապետի⁴ համար լավ լուրեր եմ լսում. խնդրեմ նրա մասին էլ լուրեր հաղորդիր ինձ. ես հույս ունիմ, որ նա էլ Անիում գործ կտեսնի:

30
7 սեպտեմբերի, 1901 թ.

Հասցեն՝ M. Michaelian
Via Tomacelli 147
Roma (Italia)

Վերապատվելի Խաչիկ Վառդապետ
ի Վաղարշապատ

Վ—հայր.

Ինձ հայտնի է, որ Դուք Մայր աթոռույս թանգարանապետի պաշտոնն եք վարում, ուստի այդ առթիվ այս երկուստոյ նամակը վերապատվելի անձիւս եմ ուղղում, բայց ուրախալի կլինեմ եթե սա Ձեզ նեղութիւն չպատճառեմ.

Վերապատվելի հայր,
այս նամակիս հետ ուղարկում եմ մի կտոր լուսանկար. դա իմ ձեռագործս է, որ 1900 թ. սկզբներին պատրաստել եմ Անդրկովկասում՝ Արաքսի մոտ, դա ներկայացնում է «Ջրի գնացող հայ աղջիկ»։ Դա ընտիր և շատ գեղարվեստագետների գնահատած դործ է, մի խոսքով ինձ չի պատկանում տորան երկար պովելու և այլն։

Տորա արկինալը* ես կամենում եմ նվիրել Մայր աթոռույս թանգարանին, որի բարգաւաճման և տեսնելույս փափագս անսահման է։ Բայց վերապատվելի հայր, սորա արկինալը կավից է (ГНПС), իսկ կավը մի հիվանդ մարմին է...

Մանավանդ այդպիսի ընտիր թանգարանին ու այդպիսի աջող բանը, վաճել կլինեմ, որ նա բրոնզյա լինեմ, բայց թշվառ ու ողորմելի միջոցներս թույլ չեն տալիս որ նորան ես բրոնզից ձուլել տայի և ուղարկեի ազգիս համակրելի թանգարանին։

Ուստի սորանով կամենում եմ խորհուրդ տալ վերապատվելի անձիւդ, որ եթե թանգարանը կտա նորա բրոնզից ձուլելու միջոցը, այսինքն (35 ռուբլի) երեսունհինգ ռուբլի, 30 ռուբլի բրոնզից ձուլելու վարձը, այն 5 ռուբլին էլ ձանապարհածախսը, այս գումարը մի շատ շնչին բան է և ես բոլորովին հուսով եմ, որ չեք մերժիլ, նորա պատճառով եմ այժմ ձեզ նամակ գրում այստեղից սորա մասին, որովհետեւ այստեղ շատ էժան են բրոնզից ձուլում։ Եթե կբարեհաճիք այս առաջարկութեանս, այն ժամանակ շուտով պատվեր կտամ տորան բրոնզից ձուլելու և կուղարկեմ այդտեղ, եթե չեք համաձայնիլ իմ այս առաջարկութեանս, այն ժամանակ առաջիկա տարվո վերջերին գուցե Կովկասից ուղարկեմ տորա կավի արկինալը։

Իհարկե ես ամոթապարտ եմ մնում Ձեր առաջ այսպիսի առաջարկութեամբ, բայց ինչ արած, վերապատվելի հայր, որ գրպանումս թշվառութիւն է բնակվում, իսկ հոգուս մեջ հարստութիւն, բայց այս աշխարհում առաջինը ամեն մի կերպ հաղթում է... ու դուք չպիտի նեղանաք ու մեղադրեք նամակս ընթերցանելուց....

Մի փայելյան՝

Բղթ. 254, էջ 2

5

24 սեպտեմբերի, 1901 թ.
Halle, Krausen str., 22

Սիրելի Է. Խաչիկ

Իսկի ձայն ու ծպտուն չեք հանում։ Գիտութեամբ, պեղումներով զբաղվող մարդը հոգուտ յուր և գիտութեան ավելի շատ շարժունութիւն պետք է ցույց

* Օրիգինալը։

տա: „Kölner Zeitung“-ում մի կաթոլիկ խոսել էր Ձեր պեղումների մասին: Հայտնի սեմիտագետ, պրիվ[ատ] դոցենտ Լեհմանը¹ այժմ պատրաստում է մի ընդարձակ ուսումնասիրություն այդ արձանագրության մասին իմ աշխատակցությամբ, որը մինչև գալ տարվա սկիզբը կհրատարակվի Հալլեում հրատարակող „Zeitschrift S. D. M. Gerellschaft“ ամսագրի մեջ:

1) Գտնված ջրանցքը կամ Canal-ը Հրազդանի, թե Քասաղի ուղղությամբ է ընկած. ճշտվի որոշումն ուղղության: 2) Ի՞նչ քարից է շինված կանալը, քարի անունը, արդյո՞ք այնտեղ շատ կա այդ հանքից և ի՞նչ նպատակով գործածական: 3) Ջրանցքը այժմ գործածական է: 4) Այնտեղ չեմ կարծում որ որևիցե մեկը իմանա, թե ինչպե՞ս էր կոչվում Իգդիրը հին դարերում:

Եթե բառարանի կամ խոստացած փողն ևս չուղարկեք, խնդրեմ բարեհաճեցեք այս հարցերին որքան կարելի է շուտով պատասխանել, որովհետև հրատարակության ժամանակը կախված է Ձեր պատասխանից. բարենեղով՝

Ձեր Հ. Թովեյանց՝

Իդր. 242, 12 5

6

29 սեպտեմբերի, 1902 թ.

СПб., Большая
Конюшенная, № 19

Հայր Խաչիկ/

Ամսիս 20-ին գիրքս՝ «История перевода Библии на армянский язык», տպվեց վերջացավ, արտաբուստ շատ շքեղ հրատարակություն է: Դեռ մայիսին պր. Վեսելովսկին¹ Մոսկի միջոցով ինձ խնդրել էր քո պեղումների մասին հոդված գրել: Ամառս ազատ ժամերում քաղել էի պատմական տեղեկություններ և երեկ վերջացրի այդ հոդվածը: Բավականի[ն] հարցեր մնում են անլուծանելի և այդ պատճառով քեզ եմ դիմում, խնդրելով հաճիս պատասխանել իմ հետևյալ հարցերին: I 1. Քո նկարած հատակագիծը ունի խոշոր թերություններ ա. չեն նշանակված արտաքին[ն] պատի աստիճանները. բ. արևելյան քառանկյունի եկեղեցուն կից շինությունը նշանակված է միացած, ի մի ձուլված եկեղեցու շինության հետ, մինչ լուսանկարի մեջ նա առանձին է կանգնած, կարծես կպցրած է, գ. պարզ չէ, [թե] եկեղեցու ներսի շորս սյուները ինչպես են միացած եղել եկեղեցու պատի հետ—պատի համապատասխան թաղկապների փոխարեն հարավից և հյուսիսից դռներ են բացված, որ խիստ անսովոր և անհասկանալի է, դ. հինգ դռնից որ[ն] է եղել գլխավոր մուտքը, բոլորը միթե իրար հավասար են:

Միեկիս, ի սեր քո կատարած մեծ աշխատության, Երևանից բեր պ. Միրզայանին² և թող գիտակ ձեռքով նկարի բոլոր շինությանց պլանը և ինձ ուղարկիր: Ինձ համար ցավալի է ցույց տալ մեղ տգիտությունը այն դեպքում, երբ իսկական տգիտություն չկա, այլ կա անհոգություն: Ծեմարանի աշակերտի նկարը չի կարող պլան համարվել:

2. Գրիր. ա) որքան են քո աղավնիների (ոչ արծիվների) մեծությունը՝ բարձր, հաստ, լայն, մետրաչափով և արշինաչափով. բ) որքան են քո գտած խոյակների թիվը, նոցա մեծությունը. դոցանից որն է ավելի մեծ. քանիսի վրա կա կաթողիկոսի անունը և քանիսի վրա խաչ, հաշված նաև ճեմարանի առաջ եղածները. գ) որքան է սյուների հաստությունը, բարձրությունը և արդյոք նոքա մի քարից էին, թե մի քանի կտորից երկաթով կամ որևէ կերպ միացած. դ) ինչ դրույթամբ են գտնվել. ե) պատին կպած ներքին սյուների՝ 164, հեռավորություն[ը] միմյանցից:

3. Դրսի պատերի օրնամենտները, նաև շուշան, խաղող, անկյունի սրբեր կամ մարդու բարձրաբանդակը, կոլոր վահանանման զարդեր, անկյունավոր, դռների կամ պատուհանների գլուխներ շատ ցանկալի էր առանձին նկարել.

որ այստեղ հատուկ կլիշաներ պատրաստենք: Անհրաժեշտ է գրել նոցա մեծութունները, նաև ժամացույցի քարի մեծութունը:

4. Ուշադրությամբ քննել, արդյոք եկեղեցին դրսի կողմից իսկապես կուրդ է, թե բազմակյունի, որոնց օրինակը շատ սովորական է:

5. Արդյոք չես գտել ներսես կաթողիկոսի՞ գերեզմանը, որը ըստ Հովհան կաթողիկոսի՝ «իշու մարմին ի հանգստարանի Տէր, զոր իւրովի իսկ յօրինեալ էր ի հիւսիսոյ կողմանէ բազմապայծառ քաւարանին» (Մոսկվա, 1861, էջ 52) և արդյոք արեւելյան կից շինութիւնը չէ այստեղ հիշված «հանգստարանը»:

6. Եթե պեղումների համար օրագիր ունիս պահած, գրիր թե երբ ես գտել սկազդի արձանագիրը, երբ խոյակները, աղափները. երբ մոզաիկ խաչը և որ գլխավորն է, որ մասնորոշում օրինակ, լուսանկարներում մոզաիկ խաչը տրված է սեղանի վրա. լուսավորչի մասունք գլորոցի վրա հենված: Անհնար է, որ այդ լինի նրա սկզբնական տեղը, երևում է հետո են գրել, ընկել այնտեղ: Արդյոք խաչը գոգավոր չէ, օրինակ, չէր կարող նա գմբեթի մեջ լինել և այնտեղից վայր ընկնել. կամ իսաչի վրա ճառագայթների խաչի մեծութիւնը:

7. Դրիր դրոցուն մեծութիւնը և եթե գտար նկարել, նկարել տուր, ցույց տալով, թե նրա ուր կողմիցն է եղել մասունքը ներս ու դուրս հանելու դուռը:

8. Դրիր ավազանի մեծութիւնը և հայտնիո՞ւ արդյոք նա հարմար չէր հասկալոր մարդկանց մկոտութեան համար. օրինակի համար, եթե կիսով չափ կամ մինչև ծնկները մեջը կանգնեին:

9. Արտմիդ մեջ մի նկարված խաչ կա: լավ կլինե նրան նկարել առանց ռեստավրացիայի, ցույց տալով, թե որտեղ է գտնվել: Կլինեն հարցեր, որ ես չեմ իմանում, ինքդ այդտեղ ես, բավական ուսումնասիրել ես, կարող ես քեզից ավելացնել:

10. Իմ կարծիքով եկեղեցին արարները (տաճիկը) չեն կործանել, այլ քանդվել է բնական պատճառներից, օրինակ, խոյակների վրա, աղափների վրա, սեղանի վրա, ավազանի վրա ևն չեն երևում մուրճի հարվածներ, բռնի քայքայման հետքեր: Խնդրեմ ստուգիր առտեղավն իմ ենթադրութիւնը և գրիր քո կարծիքը, շատ կարևոր հարց է, որով շատ բան կպարզվի:

11. Խնչ է պատահել լուսավորչի մասունց հետ, մի բան չգիտենք:

II 1. Նկարել կաթողիկոսարանի շինութեանց պլանը:

2. Քո բնակ[ար]ան՝ թանգարան, մասունց խորան, ծառաներիդ կացարան, թոնրատան պլանը, ամեն անգամ նշանակելով պատերի, քարերի հաստութիւնը, մեծութիւնը. հաջորդ շինութիւնները ինչպիսի կառու ունեն, տափակ, թե կամարներով. նոցա կառուը եկեղեցու բակ չէր կազմում:

3. Կաթողիկոսարանը ինչպես է ընկած, ինչ հեռավորութեամբ եկեղեցուց:

III 1. Որտեղ ես գտել հունարեն արձանագրութիւնը, որտեղ հայերենը. վերջինիս տառերը գրիր ինձ, նոցա մեծութիւնը:

2. Որ պատերի վրա էին փոքր արձանագրութիւնները, գրիր որքան կարդացել ես. ի՞նչ ես կարծում, երբ են գրվել, եկեղեցին քանդվելուց հետո, թե առաջ:

3. Կարասները են որտեղ են գտնվել:

4. Ես դիտմամբ քո արծիւները աղափնի եմ կոչում, նոցա ոտների վրա չկա մագիլներ, հին եգիպտական և իտալական եկեղեցիներում սովորական են աղափներինք և ոչ արծիւներ, ուրեմն առտեղավն ուշադրութեամբ քննիր և գրիր քո կարծիքը:

Գրած հոգվածս բավական մեծ է, նկարները հաշված հարյուր երես, հարցերից նկատում ես, որ ուշադրութեամբ ուսումնասիրել եմ քո գործը: Նորից խնդրում եմ նպաստիր մի վայելուչ աշխատանք հրատարակելու, որից միակ հարմար տեղը այստեղ է, ուր մեծ թվով աղբյուրներ կան և մարդիկ, որ պատրաստ են օգնելու և ցուցմունքներ տալու: Բայց գլխավոր պայմանը շուտ գրի: Ես այստեղ երկար մնալու չեմ: Պրոֆեսոր Մառը մինչև 10 օր այստեղ կլինի: Ես շուտով կպաշտպանեմ դիսերտացիաս և կվերադառնամ էջմիածին: Քու հոգվածից հետո սկսելու եմ գրել պաշտպանողական ճառս:

Եթե նամակումդ մի քանի բան էլ էջմիածնից գրես, շատ գոհ կլինիմ, որ տեղից ամիսներով ոչ մի լուր չունիմ: Երեկ կարդացի Արարատը: Կարապետ վրդը՝ նորից տաքացել է, կարծում էի ժամանակ է վերջապես հասուն լինել և առանց առիթի խույս տալ հրապարակավ միմյանց վիրավորել: Նա Հեոի հետ հաշիվներ ունի, մի՞թե այդ նրան իրավունք է տալիս Մեսրոպ վրդին վիրավորելու: Սրտանց ցավում եմ և իրան ասա, որ մտադիր չեմ նրա շավղին հետևելու: Վերջապես ժամանակ է իբրև հասունացած մարդիկ իրար հանդես կանգնելու և առիթ որոնելու իրար հարգելու և ոչ թե անտեղի վիրավորել: Ուրախ եմ, որ նրան են հանձնել Աստվածաշնչի տպագրության գործը: Իմ գիրքը կարծեմ օգտակար կարող է լինել նրան:

Մեսրոպ վրդ:

Նամակս ծախելուց հետո միտս ընկավ: Թալիշի (Արուճ) եկեղեցին շինել է նույն Գրիգոր Մամիկոնյանը, որ փոխադրել է Լուսավորչի նշխարները ու շինությունը սկսել է և և թ. Կոստանդնի թագավորության տարին: անմիջապես Զվարթնոց եկեղեցուց հետո, չե՞ս կարող նրա լուսանկարը ինձ ուղարկել, Ունիմ Թալիշի եկեղեցու նկարը, որ շինված է Զվարթնոցի հետևողությամբ, նույն նկարներով, ցանկալի է ունենալ նաև Արուճի եկեղեցվո նկարը:

Քղթ. 256, էջ 1—2

7

18/5—I, 1914 թ.
Վիեննա

Արժանապատիվ Հ. Խաչիկ Ժ. վ. Դադյան

Մեծարգո հայր սուրբ!

Այս աշնան պրոֆ. Ստիգոլսկու՝ հետ էջմիածին գտնված ժամանակ Ձեր տված սիրալիկ խոստումը՝ Նղվարդի տաճարի մեծ արձանագրության մի պատճեն ինձ հանձնել, այդ եկեղեցու շինության ժամանակը որոշելու համար, վրստահություն է տալիս ինձ դիմելու Ձեզ այժմ, խնդրելով՝ միջնորդել պ. Բասմաճյանի² առջե, որ նա իր մոտ գտնված արձանագրության մի ընդօրինակություն ինձ ուղարկի: Թե՞ պրոֆեսորը և թե՞ ես չափազանց պարտական կլինենք Ձեզ, եթե Դուք գրեք այդ մասին պ. Բասմաճյանին, կամ գրավոր մի հանձնարարություն տաք ինձ, հիշյալ պարոնին անձամբ դիմելու համար, որ ավելի լավ կլինի թերևս:

Նույն այդ ժամանակ Դուք հայտնել էիք՝ Հովհան կաթողիկոսի հունարեն մի արձանագրության մասին: Արդյոք չե՞ք կարող որևէ մի տեղեկություն տալ դրա մասին:

Մի փոքրիկ հարց եւս. որտեղի՞ց կարելի է ձեռք բերել Դվինի մոզաիքների լուսանկարները, որոնց մասին հիշվում է Ձեր զեկուցման մեջ «Արարատում» (Դվինի և Դառնիի պեղումները). այդ լուսանկարները ցանկանում է ձեռք բերել պրոֆեսորը:

Պրոֆ. Ստիգոլսկին և մենք՝ նրա ուղեկիցներս, զբաղված ենք այժմ մի ճամբորդության նյութերի վերամշակությամբ:

Ներողություն եմ խնդրում, մեծարգո հայր սուրբ, իմ պատճառած փոքրիկ նեղության համար և կանխավ շնորհակալություն եմ հայտնում Ձեզ:

Պրոֆեսորը խնդրում է բարևել Ձեզ:

Ընդունեցեք խորին հարգանքներս՝ միշտ պատրաստ Ձեզ օգտավետ լինելու:

Լևոն Լիսիցյան³

Հասցեն՝ Leon Lissizian, Вена—Австрия
Vien I, Franzensring 22,
Kunsthistorisches Institut

Քղթ. 257, էջ 4—5

13 փետրվարի, 1914 թ.
Բաքու

Զվարթափայլ հայր հաշիկ
Զվարթնոց՛,

Այստեղ իմացա, թե յրագիրներում մի քիչ կծել են քեզ, բայց չեմ կարծում, թե ղվարթաշող եղեսդ մազի չափ իսկ ծամածուլած լինի խմբագիրների կամ լրագրակիցների տափակ ասումների ղրաշարժ խածումներից։ Այդ ամեն գրությունները կթաղվեն մոռացվող թերթի թիվերի հետ։ Զվարթնոց հաշիկի հետ ապոող աշխատհական ու նաև եկեղեցական ժամանակակիցները մոռացուլթյան կմատնվեն ապագա սերունդից, մինչդեռ Զվարթնոց հրաշափառ ավերակները, որքան ժամանակ որ շարունակեն գոյություն ունենալ ի տես մարդկանց], իրենց վրա բարձրացրած պիտի պահեն հաշիկ վարդապետի անունը իբր վեհածածան խաչն, որ յուր տոկունությամբ և ցանասիրությամբը դետնի տակից լույս աշխարհ հանեց իրենց՝ այդ ավերակներին։

Գրեթե մի շարաթից ի վեր այստեղ եմ։ Այդ կողմերը գալու միտք [ունիմ], և եթե Աստված հաջողի, մի 9—10 օրից կլինեմ այդտեղ։

Ողջուններ Բաբգեն հայր սուրբին, ինչպես նաև ուրիշ հարցանողաց։

Հիշյա զիս ի մաքրափայլ հաղոթոսքո
Պետրոս Տոնապետյան²

Խդթ. 266

22—25 դեկտեմբերի, 1920 թ.
Վաղարշապատ

Զ Վ Ա Ր Թ Ն Ո Յ

Հ Խ Ս Հ

Լուսավորության ժողկոմի հրաման[ի] համաձայն, ես ընդունեցի Զվարթնոցի վանահայր հաշիկ ծ. վրդից ղանաղան պատմահնագիտական նյութեր։

Մեր պատմության և գիտության այս նոր դարաշրջանը բացող վայրկյանին՝ ես իբրև էջմիածնի նախկին վանական, բոլոր կուլտուր-կրթական հիմնարկությունների կոմիսար, եկել էի հաշիկ ծ. վրդի մոտ առաջարկելու, որ իր ունեցած՝ երկար տարիների ընթացքում անուրանալի տոկունությամբ ժողոված գիտական այդ նյութերը, որոնք խոշոր ընդհանուր նշանակութուն ունեն և պիտի մտցվեն այսուհետև պետական գիտական գանձարանը, նա հանձնե ինձ պետականացնելու համար։

Մեր հնությունների այդ հին սիրողը առանց տատանվելու ընդառաջ գնաց իմ առաջարկին և այն պատրաստականությունը, որ նա երևան բերեց, պատիվ է բերում անշուշտ Զվարթնոցի պիղիլ վանահորը։

Գիտության մատենադարանին ու թանգարանին հանձնելով այն, ինչ որ մինչև այժմ անձնական սեփականության արժեքն ուներ, նա դրանով գիտության և ընդհանրության առջև կատարած վաստակի ու պարտքի գիտակցություն է ունենալու։ Մի զգացմունք, որին ոչինչ չի կարող փոխարինել մի մարդու համար, որը իր հետևից ունի ապրած ու աշխատած երկար տարիների մի շարան։

Լեոն Լիսիցյան

Խդթ. 371, էջ 6

ԾԱՆՈԹԱԳՐՈՒԹՅՈՒՆՆԵՐ

1

1. Եղիշե Մաղաթյան (1865—1918)—բանասեր, գրականագետ, մանկավարժ, Ավարտել է Մոսկվայի համալսարանը, Եղել է Շուշիի թեմական դպրոցի տեսուչ, դաստիարակել է ներսիսյան զպրոցում, Գևորգյան ճեմարանում, Աշխատակցել է ժամանակի հայկական մամուլին («Մուրճ», «Արարատ»)։ Գրել է ուսումնասիրություն Փ. Բուդանդի մասին («Փափաքող Բուդանդ», Վիեննա, 1902)։

2. Գր. Խալաթյանց—Գրիգոր Խալաթյանց (1858—1912)։

2

1. Խոսքը Սիմեոն Երևանցի կաթողիկոսի (1710—1780) մասին է։

2. Արսեն Կրասիլնիկյան—մշակութային գործիչ, «Մուրճի» խմբագիր (1901—1902)։

3. Գյուտ քահանա Աղանյան (Տեր-Առաքելյան Հարություն, 1856—1920)։

3

1. Խոսքը Ջվարթնոցի մասին է։ Խաչիկ Դադյանին է պատկանում Ջվարթնոցի տեղի հայտնագործությունը։

2. Եսայի սարկավազ—էջմիածնի միաբանության անդամ, Գևորգյան ճեմարանի ուսուցիչ։

3. Վ. Փափազյան—Վրթանես Փափազյան (1866—1920)։ Նրա նշած ժողովածուն՝ «Վտակը», նվիրված Գր. Ջանջյանի հիշատակին, լույս է տեսել 1901 թ., Թիֆլիսում, «Վտակում» ղեկավարված Ջվարթնոցի մասին հաղորդումը գրել է Կ. Բասմաջյանը։

4. Միքայել վարդապետ—Անիի ս. Գրիգոր եկեղեցու վանահայր։

4

1. Միքայել Միքայելյան (1879—1943)—քանդակագործ, սովորել է Պետերբուրգում, ապա կատարելագործվել Հոմումում։ 1903 թ. ապրել է աշխատել է Թիֆլիսում։ Քանդակել է Լենինի կիսանդրին, հայ մշակույթի նշանավոր գործիչների դիմաքանդակները և այլն։

5

1. Լեհման—Հաուպտ Կառլ (1861—1938)—գերմանացի արևելագետ, ուրարտագետ, հայագետ, Պետդումներ է կատարել Արևմտյան Հայաստանում, Միջագետքում, Հրատարակել է ուրարտական արձանագրությունների իր ժամանակի համար լիակատար ժողովածու՝ Ունի երկհատոր աշխատություն՝ նվիրված Հայաստանի պատմությանը։

2. Հակոբ Թոփճյան (1876—1947)—հասարակական, մշակութային գործիչ, Սովորել է Գեվորգյան ճեմարանում, իսկ 1899—1904 թթ.՝ Հալլեի համալսարանում, Աշխատակցել է «Արարատին», «Բյուզանդիոնին» և այլ պարբերականների, Կազմել ու հրատարակել է Խաչիկ վարդապետի՝ Արցախից բերած հավաքածուի ցուցակը երկու մասով։ Ունի տպագրի աշխատություններ հայոց պատմության և հայ վանականության մասին։

6

1. Խոսքը, հավանաբար, ուս հնագետ, արևելագետ, Պետերբուրգի համալսարանի պրոֆեսոր Նիկոլայ Իվանովիչ Վեսելովսկու (1848—1918) մասին է։ Հայտնի է կուրգանների պեղումներով, նշանավոր են նրա սկզբական Սուլխա և Մայկուպի կուրգանների պեղումները Ունի մի շարք պատմահնագիտական աշխատություններ։

2. Վասիլ Միրզոյան—ինժեներ-ճարտարագետ, Երևանի նահանգական ճարտարագետ Կառուցել է Երևանի ձիաքարշը, գործոն մասնակցություն է ունեցել Քառասուն-աղբյուր-Երևան ջրմուղի կառուցման աշխատանքներին։

3. Ներսես Գ Տայեցի, կաթողիկոս հայոց (?—662)—հայտնի է իր շինարարական գործունեությամբ, որի համար պատմության մեջ է մտել Շինող մականունով։ Մնվել է Տայեցի Իշխան հյուղում։ Կրթությունը ստացել է Բյուզանդիայում, ժառանգել է բյուզանդական բանական, ապա հոգևոր կոչում ընդունել և հաստատվել Տայեցում։ Եղել է Տայեցի եպիսկոպոս, ապա ընտրվել հայոց կաթողիկոս։ Կոստանդնուպոլսի պահանջով ընդունել է բաղկերիկություն, հետագայում վերադարձել հայ եկեղեցու գիրկը։ Ըստ Հ. Դրասխանակերտցու, Ներսեսի ամփոփված է եղել Զվարթնոցի մոտ, իր իսկ կողմից «հորինված» շիրիմի մեջ։

4. Կարապետ վարդապետ, Տեր-Մկրտչյան Կարապետ (1866—1915)—հայազնետ, հայ եկեղեցու պատմության մասնագետ։ Եղել է «Արարատ» ամսագրի խմբագիր, Գևորգյան ճեմարանի տեսուչ։ Հեղինակ է մի շարք պատմագիտական, կրոնական աշխատությունների։

5. Մեսրոպ Տեր-Մովսիսյան (Մագիստրոս, 1864—1939)—պատմաբան, բանասեր, հասարակական գործիչ։ Ավարսել է Դոբրասի համալսարանը։ Պետերբուրգի համալսարանում մագիստրոսական աստիճան է ստացել «История перевода библии на армянский язык» աշխատության համար, որը տպագրվել է 1902 թ.։ Ունի մի շարք հետազոտություններ հայ մոզովրդի պատմության, մշակույթի վերաբերյալ։ Զվարթնոցի մասին նրա ուսումնասիրությունը լույս է տեսել սկզբում բուսերեն «Раскопки церкви св. Григория близ Эчмиадзина» վերնագրով («Известия Императорской археологической комиссии», вып. VII, СПб., 1903) և ապա փոփոխված ու լրացված՝ իրեն մի մասն «Հիմնածին և Հայոց հնագույն եկեղեցիներ» ուսումնասիրության («Ազգագրական հանդես», գ. 15, 16, Բիֆլիս, 1907)։

7

1. Յուլի Ե Ստրիվկովսկի (1862—1941)—ավստրիացի արվեստաբան, ճարտարապետ։ Մի քանի անգամ եղել է Հայաստանում։ Ունի հետազոտություններ հայ ճարտարապետության վերաբերյալ։

2. Կարապետ Բասմաջյան (1864—1942)—բանասեր, պատմաբան, արևելագետ-հայազնետ։ Խմբագիր-հրատարակիչ «Բանասեր» ամսագրի (Փարիզ, 1899—1908)։

3. Լևոն Լիսիցյան (1892—1921)—ճարտարապետ, հասարակական գործիչ։ Սովորել է Մոսկվայի և Կապու Վիեննայի համալսարանում։ Համագործակցել է պրոֆ. Ստրիվկովսկու հետ հայկական ճարտարապետության ուսումնասիրության բնագավառում։ Սովետական կարգերի հաստատումից հետո նշանակվել է էլմիածնի վանքի մշակութային արժեքների ազգայնացման իմաստար։ Զոհվել է Փետրվարյան խռովության օրերին։

8

1. Զվարթնոց—խալիկ Դադլանի մականունը։

2. Պետրոս Տոնապետյան—արևմտահայ հասարակական, մշակութային գործիչ։ Ունի տուպիկ աշխատություններ («Արմենիա Լինչի», Լոնդոն 1902, «Ձայն տառապելոց», 1915—1918, Փարիզ, 1922 և այլն)։